

光緒山西通志

山川考二

考二之二

山西通志第三十二

國子監司馬員外郎兼都察院御史巡撫山西道監察御史張煦奉

旨監修

霍山

烏嶺山  
縣山

壑口山

蒲川南山  
姑射山

蒲川北山  
龍門山

汾西山  
汾陽九原

山二

霍山一名霍太山禹貢之太岳也太原居其北岳陽居其南古爲中嶽今號中鎮有祠在霍州東南三十里中峰之麓山左沁石汾跨霍州趙城靈石沁源岳陽洪洞境有雀鼠谷千里徑爲南北隘道而高壁嶺當其衝尤奇險今韓侯嶺也其南支連烏嶺歷岳陽浮山翼城沁水諸縣西達潞水之陽與中條分界東及輔山之陰與王屋析城分界北支連縣山歷靈石沁源介休平遙諸縣東抵謁戾山之麓循中都水與太

行之侯甲嶺分界

禹貢既修太原至於岳陽正義曰太原原之大者卽晉陽縣是也地理志河東絳縣有霍太山周禮職方氏冀州其山鎮曰霍山卽此太岳是也又壺口雷首至於太岳正義曰太岳東近上黨

禹貢錐指晉陽今太原縣絳縣今霍州岳陽凡太岳山南

皆是其地當直抵南河

又云就附近山南者言之則爲岳陽趙城二縣然經之所指不止二

縣楊雄冀州牧箴曰岳陽是都則平陽亦岳陽閭百詩曰後至於太岳專指山言此至於岳陽陽字所包者廣霍

山又名霍太山在霍州東三十里及岳陽縣西北九十里

趙城縣東北四十里亦稱景霍晉語宰孔曰景霍以爲城

韋注云景大也大霍晉山名元和志霍山一名太岳在霍

邑東三十里今州治卽霍邑故城也新志云山高百餘丈

周二百餘里南接趙城岳陽北跨靈石今謂之中鎮按隋

開皇十四年詔以霍山爲翼州鎮歷代因之號曰中鎮蓋

卽古之中岳也降而爲嵩高所壓耳

案中鎮之稱卽本職方氏謂卽古之中岳

甚確然古祇稱太嶽以別於四岳後世

乃有中岳之名非太岳亦名中岳也 閻百詩云崧高維

嶽謂崧然而高者惟是四嶽之山非以太室山爲嶽名曰

嵩高也爾雅撰於三百篇後緣此遂實指嵩高爲中嶽太

史公又出爾雅後並補注堯典中嶽嵩高也是殆忘卻禹

貢之太岳矣將堯有二中岳耶

案此語小誤爾雅釋山首河南華河西嶽何東岱何

北恆江南衡實卽釋五嶽之文後秦山爲東嶽五語乃漢

後人雜采武帝制而附益之耳太史公不得見之不可以

此誣爾雅亦不可以北誣太史公也堯漢武登禮太室易

典下中岳云云亦後人附入史記之文

曰嵩高中岳名益顯皆爲爾雅所誤者

案此語亦誤漢武帝始易太室爲嵩

高以爲中岳故縣亦名嵩高今漢志猶然未嘗有嵩高名

與嵩字也爾雅乃襲漢武之名而誤者何能誤漢武乎

或曰然則周竟無中嶽乎余曰周仍以唐虞時太岳爲中

岳矣觀職方河內曰冀州鎮曰霍山可知案此語亦誤爾

首五語其爲何朝不可知然爲五岳則無疑以文義求之

則河南華中嶽也岱東嶽西恆北嶽南歷歷如見固非唐

虞之制職方於此大同河南曰豫州其山鎮曰華山蓋卽

河南華矣餘四方並同則亦以華爲中嶽矣何西曰雍州

其山鎮曰嶽山卽河西嶽則以嶽爲西嶽矣蓋周初都鄧

錫在華之西不得以西嶽命東方之山而豫州又實天下

之中蓋自有宇宙便有此山黃帝正名百物蚤已定五嶽

之稱禹主名山又從而奠之下迄周秦悉不敢移豈有如

武帝以衡山遠移南嶽之祀於霽霍山者乎余最愛鄭康

成注大司樂四鎮五嶽取諸職方九州之山而徧足少嫌

其以嶽山爲西嶽而不以霍山爲中嶽又嫌其大宗伯注

乃翼爾雅雜以嵩高忘卻大司樂注殆由不善讀崧高之

詩也哉

爾雅西方之美者有霍山之多珠玉也郭注霍山今在平陽永安縣東北又霍山爲南嶽郭注在衡陽湘南縣南今在廬江潯縣西卽天柱山潯水所出也漢武帝以衡山遼贛因識皆以霍山爲南故移其神於此邵晉涵正義曰郭氏注中山經云案爾雅大山繞小山爲霍今平陽永安縣廬江潯縣晉安羅江縣河南鞏縣皆有霍山明山以霍名者非一矣又曰唐虞以霍太山爲岳是爲中岳名見禹貢而不著於帝典者霍太山在冀州帝都之內非巡狩所至故略而不言

案邵氏以爾雅嵩高爲中嶽之文爲漢儒所增易辨之甚詳謂冀州之霍山與泰衡華恆唐虞之五嶽也華嶽泰恆衡周之五嶽也泰恆華衡嵩高漢初相傳之五嶽也秦華嶽恆嵩高武帝所定之五嶽也以漢以前五嶽無定名其說與閻氏周仍以唐虞時太岳爲中岳各異

水經注汾水又東與猗水合水出東北太岳山禹貢所謂

岳陽也卽霍太山矣上有飛廉墓有嶽廟廟甚靈烏雀不棲其樹猛虎常守其庭

寰宇記霍山廟在趙城縣東三十里唐貞觀五年重修更名霍山神

方輿紀要後周建德五年周主自將攻晉州軍於汾曲分遣宇文純守千里徑志云徑極高險蓋自霍山北出汾州徑指太原之道隋仁壽末楊素擊漢王諒諒遣將屯高壁以拒之素令諸將引兵臨之而自引奇軍深入霍州緣崖谷而進遂敗諒軍大業十三年唐公建義師至霍邑隋將朱老生屯兵據險師不得前乃傍山取徑去城十餘里老生逆戰敗死蓋卽千里徑也又霍山亦謂之西山以自山而北接縣山介山建於晉陽之西南也唐天復元年周德

威逼晉絳爲汴軍所敗汴軍長驅圍晉陽德威收餘衆依

西山還晉陽

案此漢西山卽姑射山在汾西北連又五代汾州太原之山若霍山則在汾東也

周廣順初北漢主劉崇攻晉州不克引還周兵追之及霍  
邑霍邑道險漢兵墮崖谷死者甚衆周兵追者不力乃得  
度蓋霍山崎嶇險峻介并晉二州之間實控扼之要矣

舊通志唐禮樂志五岳四鎮無中鎮地理志霍邑有西

北鎮霍山祠是霍山又不列中鎮而別稱西北鎮也

觀地亦曰觀阜太岳之西峰也霍水經其北西流至霍州城南入於汾有鑿鈴原在水南其下臨汾爲聖佛崖又南爲五女原入趙城界其下臨汾爲九仙洞

水經注霍水又西流經觀阜北故百邑也原過之從襄子也受竹書於王澤以告襄子襄子齋三日親自剖竹有朱



書曰余霍太山山陽侯天使也三月丙戌余將使汝反滅智氏汝亦主我於百邑也喪子拜受三神之命遂滅智氏祀三神於百邑使原過主之世謂其處爲觀阜也彘水又西流經永安縣故城南西南流注於汾水

元和志彘水出霍山經霍邑縣南一里

霍州志觀地降在霍山西上有宣貺眞君祠卽遭趙襄子朱書者也石鼻谷在州東南三十五里彘水出焉亦名石鼻渠谷中有朝陽洞鑿鈴原在州南十里相傳唐太宗過此掛鑾鈴於樹因名聖佛崖在州西南十五里汾水東上有石佛千餘

趙城縣志五女原在縣北十五里九仙洞在原西懸崖高千尺汾水怒濤洞中如奏仙樂

由州西朔汾行四十里至陰地關北距靈石縣五十里又北  
卽雀鼠谷也關之東十里有仁義驛或亦以爲古陰地曰道  
遙橫在驛南曰高壁嶺在驛北皆橫汾之山也

水經注汾水又南過冠爵津

案冠近刺皆誤作冠非也冠

河中府西城樓名鶴雀樓王之渙暢當皆有詩樓西面河北枕汾或卽以汾水爲名未可知

在介休之

西南俗謂之雀鼠谷數十里間道險隘水左右悉結偏梁  
間道疊石就路崇帶巖側或去水一丈或高五六尺上戴  
山阜下臨絕澗俗謂之魯般橋蓋通古之津隘亦在今之  
地嶮也

通典靈石縣東南有高壁嶺雀鼠谷汾水關

方輿紀要陰地關在縣西南百二十里

舊通志西南五十里今南關鎮出

汾晉之間道也汾水關在縣西南括地志靈石縣有汾水

關高壁嶺在縣東南二十五里亦名韓信嶺最爲險固北與雀鼠谷接志云嶺在霍州北八十里有高壁鋪

千里徑在縣水北西距霍州二十里其北爲雞栖原有同牛嶺厚棲嶺皆古阨隘其在靈石者曰靜巖山太岳之北峰也在縣東北二十里與絳山以五龍水爲界即靜林水也俗名小水河有翠峰馬頭李文石膏尖陽十八盤諸山東盡涪水之西南窮魚兒川入沁源縣界

寰宇記靜巖山即太岳也下有五龍泉文公封介之推縣上之田即此冀州圖云縣上田嶽廟甚靈烏鵲不棲其林猛獸常守其庭郡國志云嶽廟下有靈泉即五龍水是也以供祭祀鼓動即泉流聲絕即水竭

案五龍泉水出縣山則縣山亦有嶽廟在泉上地形志介休有太岳祠是也而所引水徑注文既繫之趙城又附合於此

宋史紀要千里徑後魏平陽太守封子繪所開之徑也爲  
北出汾州徑指太原之道或謂之十里徑案北史皆作千  
里徑東三十里即雷山神指唐兵取霍邑之徑名神指徑  
有土橋殊傳會據唐書高祖大還石營於賈胡堡隋虎牙  
郎將宋老生屯於霍邑以拒義師元和志謂老生陳兵據  
險師不得進忽有白衣老人詣軍門曰霍山神遣語大店  
皇帝苦向霍邑當東南傍山取路我當助帝破之遣人視  
之果有微道高祖笑曰此神不欺趙襄子豈當負吾耶於  
是進師去城十餘里老生戰敗劉宏基斬之遂平霍邑云  
云賈胡堡在汾水西堡之東南即霍州北山也不當在州  
東十里雞栖原在州東北三十里霍州高平處也

舊通志周汾州界北接太原當千里徑建德五年十月

陳王純領步騎二萬專守千里徑案後周汾州乃今吉

襄刺汾州同牛嶺在州東北鳳棲嶺在州北四十里金

河東路都總管胥鼎疏霍州同牛鳳棲嶺諸阨戊卒乞

量留偵候元張藻梁秉鈞墓碑已卯按察那延將軍與

公南向征伐由回牛鳳棲二嶺遂下平陽霍州晉沁潞等數十餘城

靈石縣志翠峰山在縣城東石壁巉巖四時蒼翠石膏山在縣東南七十里與尖陽山相對東接沁源高十里盤踞十五里有上中下三巖峰巒壁立巽竅幽深產石膏仁義河導源於此孝文山在石膏山東十餘里十八盤山在石膏山南極陡險尖陽山在縣東南七十里東接沁源山勢陡峻峰插雲表每春融時積雪未消捕狐山在縣東南七十里馬頭山在縣東五十里抱腹巖南山勢聳出可望平陽抱腹岩在介山隋書地理志靈石有介山有靜巖山介山卽縣山也至靜巖山詢之故老無有知者魚兒川峪在縣東南

沁源縣志 滹河在縣西北八十里源出靈石縣界太平

原石巖下三穴出水其流甚急至郭道鎮入沁河宋舊志

謂沁水源出縣西北八十里者即指此水蓋以爲正源也

其在沁源者爲紫金山太岳之東峰也在縣西四十里日上

觀山曰紅祠嶺曰雲蓋山曰臥雲嶂並其支分而北至於礪

台山與靈石界東盡於朱鵠嶺當沁水右曰州西嶺縣城所

倚也漢穀遠城在焉循沁而南有螺山有千畝原

括地志霍太山在沁州沁源縣西七十八里

寰宇記沁源沁水在縣東一里北自縣上縣界流入漢穀

遠縣在今縣南一百五十步孤遠故城是也晉地記云穀

遠今名孤遠因後人語訛耳

沁源縣志 紫金山自霍山蜿蜒東來遶高十餘里盤踞

三十里而西城據其半史記正義霍太山東南八十里

爲沁源也西巖下有數洞松柏陰翳遠望似雨所謂太

清煙雨也晉唐太清觀記沁源縣西北隅地連紫金山

然森秀蔽虧雲日昭州西嶺在南門外百步縣互二十

里有沁州故城嶺在城西故名礪台山在縣西北百三

十里怪石巉秀連霍太山朱鶴嶺在縣北四十里有風

洞在亂石堆中巔有天池上觀山在縣西北五十里上

有香林寺紅祠嶺在縣西北三十五里土人名侯司嶺

上有清泉雲蓋山在縣西三十里上有白侯神祠臥雲

嶺在縣西十里螺山在縣南二十里北石村連州西嶺

中藏古刹亦先師菩薩卓錫地也寺有石井泉冬夏不

涸

休糧山在趙城縣東三十里太岳之南峰也有靈泉出其巔俗謂撻鼓泉也其東十里霍水出焉西南流經洪洞縣境南有玉峰山九箕山又南有大湖古通軍水也循湖水而東有鳳凰尖陽蓮花鼇頭三枝雪白四次董壁金粟諸山龍頭滲水仙洞盛佛諸崖並在岳陽縣境北接干畝原南連烏嶺水經注霍太山有靈泉以供祭祀鼓動則泉流聲絕則水歇湘東陰山縣有侯曇山上有靈壇壇前有石井深數尺居常無水及臨祈禱則甘泉涌出周用則已亦其比也霍水出霍太山發源成澤漲七十步而不測其深西南經趙城南西流注於汾水澗水出穀遠縣西山西南經霍山南又西經楊縣故城北晉大夫僚安之邑也應劭曰故楊國其水西南入於汾水



寰宇記霍水源出趙城縣東三十八里廣勝寺大郎神西  
流至洪洞縣岳陽縣以在太岳之南故名千畝原在縣北  
九十里左傳晉穆侯夫人生太子命之曰仇其弟以千畝  
之戰生命之曰成師卽此今原下沁水所經案杜注西河  
介休縣南地  
名千畝郡國志介休縣有千畝聚縣  
上聚蓋漢晉介休並有今沁源地也  
金史地理志岳陽有霍山通軍水

趙城縣志霍山在縣東北三十里入山五里卽中鎮廟  
廟東南有興唐寺十里有休糧寺又南有廣勝上下二  
寺霍山勝概廣勝寺爲最廣勝勝概柏居多泉石映柏  
彌清柏萬株枝胥南向上有五色花雙頭蛇萬年燈白  
骨松休糧山有泉自巖瀉墜曰撻鼓泉上有方石高數  
丈名說法臺土人傳休糧菩薩蹟旁有小五臺臺下有

拴虎石

洪洞縣志九箕山在縣東十三里東北接霍山之麓高二里盤踞三十里有奇狀類箕南北有九故名一名土山玉峰山在城北自九箕山來東望霍嶽西面汾川南對洪崖

平陽府志洞河卽岳陽縣城東水一出縣北吉安嶺一

出西北金堆神千佛溝至古岳陽村合流經城東門外

西南至洞上村入洪洞縣境隸境三十里西入於汾

水經之洞水金志之通軍水也注云經霍山南霍山在

岳陽西北九十里蓋洞北諸山悉其支峰魏書地形志

岳陽有岳陽山鳳凰山在縣西北七十里六月擬冰尖

陽山在縣西北七十里崇岡峭壁蓮花山在縣北七十

里霍山之支龍頭崖滴水崖胥在縣北七十里滲水崖

即漏崖在縣北六十里

巨諫初出傍乾慘焉土人傳大即神以杖剔山引水穿山而過

至今趙城縣廣勝寺山下有泉湧山即此水也

鼇頭山在縣北五十里

巉巖峻峭似鼇

頭三稜山在縣北五十里

三峰並峙孤峻峻峭

仙洞崖盛佛崖胥

在縣北五十里雪白山鐘樓崖胥在縣北四十里四次

山在縣北十五里

和傳唐公主四次修道於此

董壁山金粟山胥在

城北安吉嶺在縣東北五十里

泗水發源於此後魏曹安澤縣以在安吉之下

澤泉之上也

右霍山正支在霍州趙城靈石沁源岳陽洪洞境

烏嶺山亦曰黑嶺一名東陘山山連太岳北起岳陽之和川

故城南訖翼城之會變東山延長二百餘里西障汾潞東與

太行夾沁水而對峙

水經注天井水出東陘山西南北有長嶺嶺上東西有通

道即鉞蹬也穆天子傳曰乙酉天子西絕鉞蹬西南至於  
歸是也

寰宇記烏嶺山在和川縣西一十六里岳陽縣東一十四  
里冀氏縣西三十里黑山在浮山縣東四十四里一名牛  
首今名烏嶺山又云冀城縣東七十五里南北有長嶺嶺  
上東西有通道穆天子傳云鉞蹬卽此也又云黑嶺山在  
沁水縣西五十里唐李德裕詩烏嶺全阬跋扈臣是也周  
宇文諱黑改爲烏嶺春秋後語晉成公十七年晉侯蒐於  
黑壤杜注黑壤晉地在絳之東元和志岳陽冀氏浮山地  
川故城在岳陽縣東九十里冀氏  
故城在岳陽縣東南一百二十里  
明史地理志冀城東有烏嶺山滄水出焉

謹案烏嶺自霍山分脈而南介汾沁間嶺西之水皆

入於汾嶺東之水皆入於沁爲平絳以東諸山之宗  
舊通志謂浮山之山析自中條翼絳之山來自太行  
非也中條之幹東盡垣曲無因踰滄而北太行之幹  
直趨澤潞不能越沁而西禹貢旣修太原至於岳陽  
先儒以爲導汾所經霍山以南悉岳陽地故晉語言  
景霍爲城楊雄冀州牧箴曰岳陽是都堯都平陽而  
稱爲岳陽晉都翼絳而謂之景霍地望所在古今無  
殊安得浮山之山獨析自中條乎禹貢導山以雷首  
太岳析城王屋連言皆沁水以西晉司馬孚檢行沁  
水表言水道屈曲周迴九百里太行以西王屋以東  
層巖高峻天時霖雨衆谷走水云云亦明以沁水爲  
太行王屋之分界則今陽城沁水二縣猶在王屋之

支離安得翼絳之山反來自太行乎

屬城漢漢澤地沁水漢端氏地

並屬河東郡

皆由鈔撮府縣志不加考核以致抵牾

不知山之脈絡必循水道準乎今形證以古籍條理秩然不可得而紊也

鳥嶺之西曰赤壁曰東池曰洪門嶺曰草峪嶺在岳陽境曰寶崖曰洪崖在洪洞境曰秦王嶺曰平甯關曰牛首山曰鳴山曰堯山曰浮山曰羊角山曰巢山在浮山境曰臥虎山曰漫天嶺在臨汾境曰絕山曰崇山在襄陵境曰澮高山曰佛山曰覆釜山曰西鳥嶺關在翼城境曰喬山曰蒙坑在曲沃境其入汾之水澮水以南天井水出覆釜山汾水出牛首山澮水出巢山澮水出澮高山澮水之南則絳山也入中條之北界

寰宇記岳陽縣赤壁水在縣南西北流合澗水赤壁城在縣西一里隋岳陽縣理此東池堡在縣南三十三里堡中見貯義倉北面絕崖三面各二丈五尺周迴一里洪洞縣聖人崖崖有七穴皆相通神山縣黑山在縣東四十四里一名牛首黑水出焉亦名澇水鳴山在縣南十里每天欲雨此山颯然有聲草木不動俗傳爲山鳴羊角山在縣西三十一里唐武德三年見神於羊角山下語曲沃人吉善行日報大唐天子得聖理一十年其年勅通事舍人柳憲立老君祠因改縣爲神山虜投交水在縣南二十里出龍角山南橋山卽澇水也襄陵縣浮山在縣東南七里澇水一名巢水出縣東南巢山翼城縣澮高山一名絳高山澮水澮水出澮在縣東南二十五里其山出鐵羊角山在縣東

三十里曲沃縣絳山在縣南一十三里東距白馬山

方輿紀要洪洞縣城南有洪崖高踰百尺東西袤五十里

澗水出焉流入於汾又西南有寶崖四壁孤絕北俯汾河

案西南乃東南之誤汾乃澗之誤汾在浮山縣秦王嶺在縣西自北而南非寶崖北所能俯也

縣東北四十里舊志唐太宗南破宋老生從霍山潛行至

此以扼前鋒後人因呼爲秦王嶺平甯關在縣東十里東

漢初鮑永破青犢賊於此浮山在縣西六十里相傳洪水

時隨時消長也縣因以名又縣東八里有南堯山縣東北

二十里有北堯山上皆有堯祠龍角山舊名羊角山其東

南峰有珍珠洞又有華池山在南麓跨翼城縣境臨汾縣

漫天嶺在府東北五十里與浮山縣東南之龍角山相接

山勢迴遠故名襄陵縣崇山在縣東南四十里一名臥龍



山頂有塔俗名大尖山山之西嶠亦曰臥龍岡東南接曲  
 沃翼城北接臨汾浮山皆謂之分水嶺南北連亘長二十  
 餘里翼城縣滄高山在縣東十五里史記魏世家武侯九  
 年狄敗我於滄又惠王九年我敗韓師趙師於滄括地志  
 云滄山也在翼城縣紀勝山形如鳥翼一名翔翺山產銅  
 及鐵唐置錢坊所於此有嚴洞泉壑之勝又縣西北十五  
 里有小縣山上有介子推廟曲沃縣喬山在縣西北四十  
 五里山高五里長二十餘里接襄陵縣界形勢陡峻其西  
 麓有夢感泉齊主高緯圍平陽恐周師猝至於城南穿土  
 自喬山屬於汾水大出兵陳於塹北卽此繫坑在縣東北  
 五十里西與喬山相接晉元興初魏主珪圍柴壁安同曰  
 汾東有蒙坑東西三十餘里蹊徑不通姚興來必從汾西

直臨崇壁如此便聲勢相接不如爲浮梁渡汾西築固以拒之興無所施其智力矣魏主從之大敗後秦主興於蒙坑之南今喬山以北自西而東山蹊糾結卽蒙坑矣

曰知錄介休縣山有介子推祠漢魏以來傳有焚山之事太原上黨西河雁門之民至寒食不敢舉火然考之於傳晉悼公蒐於縣上以治兵使士勾將中軍讓於荀偃此必近國都之地又定公六年趙簡子逆宋樂祁飲之酒於縣上自宋如晉其路豈出於介休乎況文公之時霍山以北大抵皆狄地與晉都遠不相及今翼城縣西亦有縣山俗謂之小縣山近曲沃當必是簡子逆樂祁之地案左傳齊晉人爲之城縣而與旃當卽一地蓋城名曰縣地與田名曰縣上初不言山也

平陽府志岳陽縣洪門嶺在縣東八十里草峪嶺在縣

東南七十里通路安府東鄆嶺在縣東南一百里鄆嶺即鳥嶺

嶺寰宇記在縣東十四里蓋東山之統名也志惟舉浮山界之山以當之非又尹家山在縣東六十里屏風山在縣東四里一名掛榜山浮山縣橫嶺在縣東四十里謂皆太行之餘支亦非

南通翼城鄆嶺北達岳陽草峪嶺佛嶺山在縣東北三十里司空山在縣東南二十里原名風穴因上建司空

廟故易名山腹空虛過者行步有聲相傳其巖舊有穴有樵者納衣穴中少頃即出唐時有虎害異

俗伏銀洞山在縣東南四十里西北連龍角下有金河水南達翼城西左嶺在縣西十五里一名黃花嶺南距

月山西達郡城橫亘十餘里月山在縣西南二十里南接臥龍西距漫天嶺上有金輪廟臨汾縣臥虎山在城

東三十里以形似名南爲世從山桃花洞在潞河渠襄陵縣龜山在縣東三十五里臥龍山北高三百丈盤踞

四十里北連浮山翼城山峪南連離凹山山脊有二峰  
北峰尤高前爲壽星後爲少石分水嶺在縣東南四十  
里龜山之西南北袤二十里有奇石牛嶺在喬山東北  
龍泉頂崇山之支高阜處有石泉崇山卽臥龍志云一名大尖山翼城  
縣石姑山在縣北四十里小銀山在縣北四十里相傳  
金大定時產銀蜀山在縣北三十里唐大厯中鑄錢處  
鐘迹尙存八寶山在縣東北二十五里山有八峰與七  
寶山接丹山在縣北二十五里出丹砂菩薩崖在縣東  
二十里又名觀音洞深邃莫測蝦蟆口在縣東南三十  
五里百草嶺在縣東南四十五里佛山在縣東南七十  
里滄水源出焉陵山在縣西五里起覆釜山下覆釜山卽小縣  
山天柱山在縣西北四十里一名臥龍山俗稱大尖山

界翼城臨汾襄陵曲沃浮山五縣舊通志各縣志並同  
已見寰宇記方輿紀  
要者不  
復著

謹案岳陽翼城浮山三縣並近西嶺之麓其洪門草  
峪二嶺烏嶺東西二關及牛首山皆嶺脊也三縣迤  
西之山則岡阜坡陀之相屬者土人隨地命名概呼  
以山耳大抵潞潞以南滄水天井水以北皆東高西  
下以達於汾而臥龍羊角諸山實爲中幹其脊獨高  
蜿蜒至大尖山俗呼塔山疑卽東陘山屹立汾東與  
汾西山脈相接並霍南諸峰相抱如環其南卽蒙坑  
之險也

烏嶺之東北水環之南有隋氏關在岳陽境又南爲黑嶺卽  
東烏嶺關也在沁水境自關而南曰玉嶺曰御屏山曰石樓

東輔山又南曰鹿臺山陽泉水所出也輔山之陽垣曲之故山也入王屋山界自關而東臨沁側者曰橫嶺曰紫金山曰車轡山曰孤山曰榼山其西有仙翁山傳齊嶺與鹿臺連在沁水境又南爲靈通白巖北庵九泉諸山迤東至小天壇山陽泉水入沁口也陽泉之南爲萬戶白澗嚙蛟營匠諸山迤東至中南山澠澤水入沁處也並在陽城境

水經注沁水又南徑陟氏縣故城東劉聰以詹事魯縣爲

冀州治此也沁水又南徑陟氏關袁字記冀氏縣本漢陟氏縣故城是也至晉省後魏莊帝於陟氏城南置冀氏縣及冀氏郡即今縣是也案後魏冀氏城在今岳陽縣東

南一百二十里則漢陟氏城當在岳陽東南八十五里矣

鄭注成於改置郡縣之前似所云陟氏關與後末所置之冀氏縣本一地又云澤水東得陽泉水口水出鹿臺山山

上有水淵而不流其水東徑陽陵城南即陽阿縣之故城

也漢高祖七年封卞訢爲侯國水厯嶠曉山東下與黑嶺  
水合水出西北黑嶺下卽鈺登也其水東南流徑北鄉亭  
下又東南徑陽陵城東南注陽泉水又南注濩澤水澤水  
又東南有上澗水注之水導源西北輔山東經銅于崖南  
厯析城山

寰宇記沁水在和川縣東十里冀氏縣東一里鹿臺山在

沁水縣南三十五里山海經有鹿臺之山卽此也

案西山經郭注

在上東輔山在沁水縣西南九十二里石門山在端氏縣

西四十一里

唐端氏縣今端氏鎮在沁水縣東南九十里

方輿紀要烏嶺在沁水縣西北四十里唐會昌三年晉絳  
行營節度使石雄討劉稭敗之於烏嶺卽此嶺與翼城縣  
接界東烏嶺關在縣西北五十里明宣德四年置巡檢司

於此

沁水縣志沁地從烏嶺發脈東南三十餘里而玉嶺突

起爲邑主山正南四十餘里而有阜山即東烏嶺以東

有大尖山又東一岡橫亘五十餘里名曰橫嶺抵大將

村而爲沁河之濱矣又梅河源出東烏嶺東澗蘆河源

出鹿臺山經蘆子坡而東故名案蘆河即陽泉水梅杏

澤水今則梅杏二河合流入沁蘆河獨流入沁陽城縣

志以黑嶺水爲今畫山水誤盡山在鹿臺南與鄭注所

云出西北者不合況黑嶺峰在縣北三里高峰峭壁陡

峻極鬼上有寺因山名有泉曰靈泉御屏山在縣西南

二里石樓山在縣南二里山半舊有石樓後廢玉嶺在

縣西五里雄峰峙立俯視羣峰龍岡在縣東二里鳳原

岡在縣西縣治居其麓厯山在縣西九十里上有舜廟



翼城縣志 歷山在邑東南九十里山界翼垣陽沁四縣  
蓋世傳舜耕處也西南有晉聚諸馮二村屬垣曲東有  
析城及馮納泉屬陽沁西北有黑谷村及舜所浚之二  
井又有舜廟並屬翼城案歷山即水經注之教山也後  
人謠鼓鐘為替家遂並其附近大尖山在縣東北二十  
之山附會舜蹟辨詳王屋山 里其東數里一岡橫互縣延不絕北跨岳陽浮山二縣  
長五十餘里名曰橫嶺鶴鳴老人圖記云長城是也紫  
金山在縣東五十五里車輞山在縣東三十里又名偃  
月山上有車輞寺孤山在縣東八十里又名筆山檀山  
在縣東九十里萬柏參雲千松翳日清泉映玉飛閣凭  
空邑之最勝處也上有大雲寺仙翁山在縣東六十里  
上有仙翁廟高壓羣峰東南為三纒凹夫妻樹在縣東  
十五里嶺上高峰兀出是為尖山山東數十里有紫沙  
門

陽城縣志作傳齊嶺以為即北史之齊子嶺  
非案侯景所斷之齊子嶺在濟源縣以西

陽城縣志縣之西北境陽泉水以北之山曰竹林頂西北

六十里山從鹿臺分支北界沁邑中木亭接竹林頂曰

東接雲道山其巔平坦上建神宇數區

西崦山西北六十里土山縣互建顯聖王竹林東南曰

靈通山西北六十里有靈通寺東麓黑龍廟殿前石

少隙風靈通東曰西佛山踰黑嶺水曰東佛山西北五十里

黑嶺水左右土山又北曰仙公山西北六十里相傳仙

戴石勢各巖峩又北曰仙公山西北六十里相傳仙

三國吳時丹陽句容人有道術能致雨會遊此著有靈

蹟後人遂建仙公廟山陽屬縣山陰係沁水界兩邑民

人聯社自仙公而東南過紫沙坳曰白巖山北三十里

崇祀自仙公而東南過紫沙坳曰白巖山北三十里

在嶺堅岡一石梁斜通望中不知其極石梁東南有龍巖寺

石下泉極甘冽巖東一小龕白司空所刻題曰白兔禪

經次東曰北崦山北三十里聲拔奇峭上有白龍祠祠

處之再東曰方山東北三十里縣治東北陽泉水北曰九

泉山東十五里在葛峪東翠柏叢生石磴又東曰小天

壇東十五里立上有軒轅祠水石縣之西境南河之北陽泉曰

陶峪山西四十里左即陶峪河也兩山對峙前又東北

曰嶢嶢山西三十五里內建福勝寺側雙潭澄碧又東北

古嶢嶢山因俗訛傳已元武土人皆稱嶢嶢而無果嶢山實非

沙間石形與嶢嶢埒穆天子傳其西四十里上建湯廟澤水出

名嶢嶢西北曰白濁嶺其西四十里距漢漢澤故城十里東

龍有廟即郡志所嶢西北曰萬戶山嶢山也西五十里本古嶢

謂漫澤靈源祠嶢山有萬靈觀唐太宗祠俗曰黃龍山腹吼

嶢東接漫澤故城有萬靈觀唐太宗祠俗曰黃龍山腹吼

碑所載又曰吼神山土人謂此山三二十年前山腹吼

動若巨雷數日不絕山東龍連大山嶢嶢也嶢東北曰神仙山

堅山大壑東有白龍山皆古嶢嶢也嶢東北曰神仙山

西三十里其峰秀拔玲瓏形如雕琢中有古剎神仙山

北曰臥虎山西北四十里有靈泉寺後唐漢密修其於

下屯城舊臥虎東南曰盪山源西北三十里西河發盪山

曰虎川里臥虎東南曰盪山源西北三十里西河發盪山

東北曰營匠山北二十里亦名鷹架山北又東南曰望禾

臺

西北五里一峰特起

越縣治而東陽泉水南曰中南山

東十餘里在孔

秦南峰巒生秀翠柏環生

右烏嶺山霍山之南支在平陽以東澤州以西諸

縣境者

絳山一名介山亦即謁戾山也沁水出其陽中都水出其陰盤互百餘里世傳介子推嘗隱此有介子推祠在鑒石介休境山與太岳連麓西循雀鼠谷而上東窮沁水之源北抵於中都谷跨鑒石沁源二縣北境盡平遙介休二縣之南境而止

續漢書郡國志界休有介山有絳上聚注左傳曰晉文公以絳上為介之推田介山推焚死之山故太原俗有寒食魏書地形志太原郡鄆縣有中都城有太岳山西河郡介

休縣有大岳山祠

隋書地理志靈石有介山

山海經謁戾之山其上多松柏有金玉沁水出焉南流注於河嬰侯之水出焉北流注於沁水

寰宇記介山一名橫嶺地名縣上左傳杜注介休縣南有地名縣上此山卽縣上田之故地漢以爲縣郡國志云介山上有子推冢並祠存又云羊頭山一名謁戾山在縣上縣東北五十里沁水所出

方輿紀要沁水源山沁源縣北百里縣山東谷

汾州府志縣山北距介休縣治四十里遶高四十里山勢縣互東抵沁源北接介休南跨靈石隸介休境者二十五里以山脊分其陽屬靈石其陰屬介休說者皆援

介子推事實之故又名介山左氏春秋言子推之隱不著其隱於何所但曰遂隱而死晉侯求之不獲以縣上爲之田曰以志吾過且旌善人遂隱而死舉其終之不可得言之求之不獲者隱固不復使人知也安知其隱必猶在晉國中乎晉侯以縣上爲之田其地不出國中之地或介推曾有子則授之其子或令人立其祠取租稅供祭事而已史記則曰至死不復見介子推從者憐之乃懸書宮門文公出見其書曰此介子推也吾方憂王室未圖其功使人召之則亡遂求所在聞其入縣上山中於是文公環縣上山而封之以爲介推田號曰介山在左氏無所謂介山也曰以縣上爲之田則地名而非山名史記增成之曰縣上山中且以所封之田爲所

隱之處其曰環縣山中而封之將以爲子推入居於此如項羽聞陳餘在南皮因環封三縣之事歟觀陳餘後發三縣兵則三縣爲餘有介推未必受此縣上山食其租稅將所謂環封者乃空棄其地歟蓋戰國有抱木燔死之說子長庸不取而屈原賦稱封介山而爲之禁其語近是故本之以爲說耳戰國秦漢之際異說紛起無足取信當據左氏之文正之至縣上地又見於魯襄公十三年晉侯蒐於縣上以治兵及定公六年宋樂祁使於晉趙簡子逆而飲之酒於縣上獻楊楸六十於簡子皆地近晉都顧炎武以爲翼城縣西近之爲介子推田亦宜在彼不在此

顧說見前小縣山

山之正峰曰大巖曰中巖曰下巖靜林水經其南麓在靈石

境謂之東山石桐水經其北麓在介休境謂之南山其西麓汾水所經也有桑平峪冷泉關在雀鼠谷之北口

水經注汾水又南與石桐水合卽絳水也水出介休之絳山北流經石桐寺卽介子推之祠也水又西流注於汾水汾水又西南經界休縣故城西

方輿紀要雀鼠谷在介休縣西南二十里後周建德五年周主邕攻晉州軍於汾曲分遣宇文憲將兵守雀鼠谷隋大業十三年太原留守李淵破賊甄翟兒於雀鼠谷是年起義兵由西河入雀鼠谷唐武德三年劉武周陷介州唐將姜寶誼等戰於此兵敗被虜又開元十一年北巡并州經雀鼠谷蓋當往來之衝路

案自谷口至陰地關百一十里今並屬靈石惟北口之義

崇鎮屬

介休



介休縣志抱腹巖爲縣山之奧崖壁架空羣峰擁翠巖中有雲峰寺土人呼爲大巖巖之對峙爲南山下爲巖溝兩山之澗直瀉興地村澗中有開元古碑由巖而東爲捨身崖稍上爲五龍延最上爲鎮宅溝由巖而西爲鐵索嶺嶺峻削以鐵索繩之上下手援乃登自嶺而東五里爲銀空洞又東南七里爲摩斯頂自此而東人迹罕到山莫可名矣由鐵索嶺而西爲鹿橋爲一斗泉爲小須彌爲兔橋折而北爲白雲洞土人稱爲中巖行數十步爲蜂房泉又北爲塔巖頭折而北爲黃土坡上爲李姑巖下爲龍巖會由會而東爲南天門土人呼爲下巖前後凡二十里

靈石縣志縣山在縣東四十里高五里盤踞七十里北

跨介休東南接石膏山又東南接沁源霍嶽盤凌迤邐  
隨地異名山下有小水河即靜林水源出興地峪及柏溝曲美峪流經靜介等村至縣北門外入汾內有樂室四壁高峻中面平原柏槐巖在縣東  
五十里與抱腹巖連馬迹巖在縣東三十五里石上馬  
迹宛然禪房巖在縣山內有石洞深八百尺泉深八尺  
不涸不溢屏風石在縣東四十里縣山峰也高踰百丈  
如屏風然下有清泉東山在縣北小水鎮東峰聳林密  
推車延在東山勢最險峻地風澗在東山中峻絕人不  
能陟冷泉關距縣五十里疑宋史所謂陽涼北關也石  
山有河路懸一線實南北咽喉重地桑平峪在冷泉北  
谷口之東爲忌坂又東爲度索原在介休城南東南有城城  
山蟹螯山又有洪山或以爲狐岐山非也又東南曰天峻山

有關子嶺入沁源界

方輿紀要忌坂在縣西南十二里相傳子推被焚處也度

索原在縣東南唐初裴寂攻劉武周將宋金剛於介休寂

軍於度索原營中飲澗水金剛絕之士卒渴乏寂欲移軍

就水金剛縱兵擊之寂失亡略盡

縣志舞擇嶺在縣上下有礫石澗水流入汾久

涸洪山在縣東南二十里石桐水出其下志以爲狐岐也

秦狐岐山勝水所出在孝義縣府志曰洪山有泉曰鸞鶯泉資近甚博山卽縣山之隨地異名者或以爲狐岐非也

西洪谷在縣東南二十里有西谷水東谷之水流合而東

洪谷縣東南四十里四圍皆山中有石磊橫空數仞周廣

三里巖頂有泉倒流如瀑布謂之懸泉又有黑龍池靈簾

山縣東南三十里勢極高形如鸞簾天峻山縣東南五十

里以高峻入雲而名關子嶺

原本誤爲子關嶺

縣東南六十里略

出沁源縣洪武五年置巡司戍守

介休縣志太虛巖在縣東南二十里崇岡有二巖多異石  
臧城山在縣東南二十八里紅山嶺在東西猗谷間  
獅鼻巖在縣東南四十里巖高七十餘丈而中空  
案諸洪山之支峰與縣山連麓者志又云康熙初年靈石與邑民爭界山知縣李鍾盛立分界碑經介山南之坡為陽坡有北塔鈎紅巖村柏溝等介神廟諸處屬靈石縣山北之坡為陰坡有說法壑抱樓山陶圪塔饅頭山與地溝等處屬介休縣俱以山嶺中脊陰陽為界

關子嶺之東為縣上聚在沁源縣北八十里沁水經其東曰水峪曰琴峪曰車嶺皆源所導之謁戾山也其東有青果山與太行連入沁州界西有靜草崑靈空山仁務山皆清水所環也清水出青石山西或亦目為沁源蓋即羊頭山矣與靈石界

續漢書郡國志介休有縣上聚

水經沁水出上黨涅縣謂戾山注沁水即涅水也或言出

穀遠縣羊頭山世靡谷

寰宇記涅城在武鄉縣西六十里穀遠城在沁源縣南一百五十步

三源奇注徑瀉一隍又南會三水厯落出左右近溪參差

翼注

沁源縣志源出西北八十里靈石縣界村南流

隸縣百三十里源有四一在滑縣村東北溝中石崖

下一在崖頭村北山麓胥由零峪而南至陽城合流一在白狐窰馬圈溝

在車家嶺底由縣上鎮至陽城合流一在白狐窰馬圈溝

南流至交口村合流而南經

縣城東復受諸水其流浸巨

舊道志縣山在沁源縣北一百二十里盤踞百里連介

休介山抱腹巖萬峰層踞澗壑杳遶冬雪入夏不消樵

人嘗得水担縣上縣故城在縣北八十里縣山下即今

縣上鎮也靈空山高十里有奇盤踞五十里西遷羅衣

山山勢峻削四圍石壁如屏巖遶林密徑陡登幽士入

名十八盤峰有仙橋絳橋越洞而度先師菩薩寺在焉

師名馬唐懿宗第三子也以黃巢亂為僧至靈空山有馬跑泉之祥遂卓錫焉昭宗景福二年入滅有蓋

海洞山東南麓洞有三開闢徑尺有奇劣容身鄉五龍

潭寺東北隅四里始抵後穴三關得水而雨唐王寨山東峽孤峰萬

丈有奇時出雲霧見龍形唐王寨山東峽孤峰萬

下亂石巉巖人不能度東南有石峽巖捨身崖十八盤

寬平十畝有奇相傳先師望長安處捨身崖十八盤

百丈有奇石胥赤五龍川縣西北七十里含宏川縣西北六十

後苗維川連五龍川胥由東入靈地峪川縣西北六十

川連地峪川胥由西北入消翠洞寺東北石巖下可容

馬明王井山東陽壽雨多應

沁源縣志青果山在縣東北五十里巔有寒泉松柏環

翠一名青裏山仁霧山在縣北五十里郭道鎮東分脈

縣山縣互六七十里突起高峰垂首蟠結上有慈雲寺

旁分二支彎環回抱胥起尖峰似雙關中通綫徑沁河  
深繞於外乃形勝地也青石山在縣北八十里山石如  
黛松柏環寺靜草嵬山在縣西北九十里連空靈山高  
十里有奇盤踞百餘里六月凝雪徑絕寸草

謹案漢志以沁水出羊頭山水經謂出謁戾山與山  
海經同鄺道元兩存其說寰宇記則合爲一山金史  
地理志云縣上有羊頭山沁水明一統志云沁水出  
縣山東谷更合三山爲一蓋其地東距涅南距穀遠  
北距介休均在百里間連峰並麓導源不一無從分  
析也然其水實分東西二源漢志所舉其西源也卽  
縣志之淸水地在縣山谷東與靈石岳陽之山南北  
表連宜爲穀遠縣之羊頭山水經所舉其東源也卽

縣志之四源地在覆轍嶺西與武鄉之涅水東西分  
導宜爲涅縣之潁戾山鄭注謂沁水卽涅水涅卽潁  
戾之切音其敘東源特詳蓋以爲正源也

縣上關之北爲麓臺山亦潁戾之異名也在平遙縣東南五  
十里嬰澗水出焉西有晉同谷舊置關曰超山曰過嶺悉其  
支峰也循嬰澗而西爲中都谷谷東有盤石山接武鄉之侯  
甲嶺爲太行之北支

水經注潁水又合嬰侯之水山海經稱潁戾之山嬰侯之  
水出其陰北流注於沁水水石出祀山其水殊源共舍注  
於嬰侯之水亂流經中都縣南俗又謂之中都水侯甲水  
注之水發源祁縣胡甲山有長坂謂之胡甲嶺

寰宇記潁戾山在平遙縣東南四十七里一名麓臺山



方輿紀要普同關在平遙縣南五十里普同谷口東南接  
縣上關達沁源縣西抵關子嶺南入岳陽縣爲往來要道  
中都水出縣東二十里中都谷橫嶺下西流合源祠水

汾州府志今其水西北流散於原野

汾州府志過山西北距縣治四十五里魏書地形志平  
遙有過山是也過讀如戈魯澗之水出焉西北流二十  
餘里散於原野其西爲戈嶺有谿澗東北入侯甲水超  
山西北距縣治四十里蕭臺山以西至此皆古過山也  
超山之名起於唐天寶六年以水經注證之山卽肥山  
矣其谿澗北入過嶺水山有元遺山題名石盤石山西  
距縣六十里有谿澗東北流散於原野

平遙縣志超山有紫蓋峰萬松嶺文殊頂清光峰觀音

坪寶塔巖

右繇山霍山之北支在汾州以東沁州以西諸縣

境者

壺口亦曰石槽卽孟門山也在吉州西七十里世傳大禹所  
鑿以通黃河者河自此入口爲上口南至龍門出口爲下口  
峽流阻隘西與陝西分山東則盤袤逶迤周回汾曲由龍門  
東至姑射爲絳州之北山而吉州鄉甯厖其腹由姑射北盡  
汾西爲平陽霍州之西山而隰州居其腹由汾西又北折西  
歷狐岐爲孝義之南山而石樓居其腹狐岐者管涔之南盡  
也禹貢旣載壺口治梁及岐或以爲岐卽狐岐而姑射亦有  
壺口之稱然距河爲遠禹功不及不能與呂梁並例茲姑舉  
以表界凡霍岳以西管涔以南環汾之山悉以屬之壺口而

中分蒲川爲南北支別云

漢書地理志河東郡北屈壺口山在東南

當作西南

水經注河水南徑北屈縣故城西西四十里有風山風山西四十里河水南出孟門山山海經曰孟門之山其上多金玉其下多黃堊石淮南子曰龍門未闢呂梁未鑿河出孟門之上大溢逆流無有邱陵高卑滅之名曰洪水大禹疏通謂之孟門故穆天子傳曰北登孟門九河之登孟門卽龍門之上口也實爲河之巨阨兼孟門津之名矣此石經始禹鑿河中激廣夾岸崇深傾崖返棹巨石臨危若墜復倚古之人有言水非石鑿而能入石信哉其中水流交衝素氣雲浮往來遙觀者常若霧露沾人窺深悸魄其水尙崩浪萬尋懸流千尺渾洪鼎怒鼓若山騰濤波頽壘

迄於下口方知慎子下龍門流浮竹非駟馬之追也

元和郡縣志孟門山俗名石槽在慈州文城縣西南三十六里河中有山鑿中如槽東流懸注七十餘尺

方輿紀要北屈廢縣在吉州東二十一里文城廢縣在州東北五十里壺口山在州西七十里禹貢既載壺口是也東魏初高歡自壺口趨蒲津擊宇文泰隋末李淵自龍門進軍壺口河濱之民獻州者以百數卽此處也壺口之北卽孟門山

禹貢雖指龍門之上口爲孟門在今吉州西直陝西延安府之宜川縣其下口卽今河津縣壺口山盡處近世謂之龍門者也西與韓城之龍門相對自上口至下口約一百六十餘里又云北屈故縣正今州直北之地山當在其西

南漢志云東南誤也又云孟門有二一在龍門山北尸子  
東左傳襄二十三年齊侯伐晉取朝歌入孟門登太行山  
記吳起謂魏武侯曰殷紂之國左孟門右太行呂氏春秋  
日通乎德之門豈云嶄絕凡與太行之險矣劉孝標廣絕交論  
日太行孟門豈云嶄絕凡與太行之險矣劉孝標廣絕交論  
門也杜預云孟門晉隘道而不行連舉者皆非吉州之孟  
白經也寰宇記相州安陽縣有縣堤禹之父所築以捍孟  
門今謂之三切城蓋亦指朝歌西之孟門又云冀州有三  
壺口一在吉州西南禹貢之壺口也姑射山鄭道元謬以爲  
平山平水所出亦名壺口山又名姑射山鄭道元謬以爲  
向書之壺口杜注潞縣東有壺口關潞縣即今潞城縣關以  
取壺口杜注潞縣東有壺口關潞縣即今潞城縣關以  
爲名此二山皆非禹貢之壺口也案齊伐晉所入之孟  
門當是濟源垣曲之風門口國語謂之盟門者以爲白  
未審潞縣東之壺口關今黎城縣之東陽關也一名吾  
峪黎城縣分潞縣所置故杜云在潞縣東長治本漢登關  
孫東南有壺山志以爲卽壺口關與黎城之關乃兩地胡  
誤氏

舊通志龍門飛橋在壺口石峽上元末於石岸鑿孔樹  
椿繫絛經布木板爲橋以渡兵今廢又云唐志禹鑿山

河水下趨峻急今山中鑿空架槽濶五十步束流懸注

七十餘尺魚鼈所不能游號石槽東岸有石槽祠

案今地名

龍王延其下有巨石屹立河中河水包之而過俗指爲孟門舊通志云孟門山在黃河中旋峯壁峭絕者也然一拳之多究其高不能及峽山當爲兩岸諸山之通稱矣

蒲川一名斤川又曰听川東起洪洞之分水嶺姑射山之脊也在蒲縣東七十里西至大甯之馬關關入河孟門之隘也在壺口北二十里其川延長二百餘里俗稱第一河也川南山在蒲縣境者曰黑龍關曰寶嶺曰東神山曰南屏山曰梅洞山曰翠屏山曰荆坡曰行駕坡曰常安原寶嶺之南有南川河與鄉甯界常安原之西有放馬嶺與吉州界其北循蒲川而西至件城與大甯界

元和志蒲水一名斤水去大甯縣六十步常安原在蒲縣

西南四十里東西廣四十里南北長二十里

唐志初置常安縣後廢

寰宇記平山今名姑射山冀州圖云西入文城郡以山爲界日斤川在大甯縣從隰川縣及蒲縣兩界來並呼日斤川其水屈曲入黃河

金史地理志吉鄉有蒲水大甯有白斤川

方輿紀要昕川之水自隰州來者曰蒲川自吉州來者曰義亭川自永和縣南流入境者曰麻衣溝合爲昕川西流入大河

平陽府志分水嶺在洪洞縣西五十里乃蒲縣臨汾之

界也

案嶺南北互連自洪洞西山至臨汾西南之張村岔其西皆界蒲縣

蒲縣志第一河以泉水所匯故名發源於臨汾分水嶺

西流七十里至縣城與南川河

發源鄉南之牛王廟會黃嶺諸谷水西北流至

荆岐與東大河合東小河諸水合流而西經隰州界受紫川水

過大甯匯義亭諸水注於黃河舊志云出趙城縣七佛

峽非是黑龍關即張村岔縣東六十里自關而東三十里達

臨汾岔口自關而東南四十里達臨汾劉村皆重山疊

障茂林深壑東神山在縣東五里盤踞數十里松柏濃

茂爲邑勝景南屏山在縣南一里翠屏山在縣西南一

里山形陡峙上有晉文公祠唐武德初勅建梅洞山即

石頭山在縣南四十里縣界南至吉州放馬嶺八十里

在州東六十里西至隰州作城界六十里

放馬一作牧馬大甯縣志馬關關在縣西七十五里壺口在關南二十

里孟門之上

謹案蒲川水北源來自石樓山南源來自姑射山東



源來自汾西山莽灌數百里吉陽諸川之水大半歸

之第一河之名非虛也元和志謂之斤水以徑斤城

而得名

志云文城縣後魏孝文帝置斤城縣屬定陽郡隋開皇十六年改爲文城吉州志故城在

州西北六十五里

猶水經注以徑蒲子故城而名蒲川也自

寰宇記書爲日斤川

記兩言斤川上句日字蓋金史衍文下句當是日字之誤

誤爲白斤明統志復合二字爲一謂之所川今州縣

志皆沿之殆非也爰從水經注正其名爲蒲川卽以

川之原委定山之脈絡以孟門爲大界先川南後川

北

其在大甯縣境者川南之山以義亭水分東西曰翠微山在水東北直縣城龍窩在焉稍西爲屈山筆架山迤而南爲石子山皆水所經也曰藍公山在水西迤邐以達於馬關關峙

乎關之北者曰鎮關山

寰宇記大甯縣二龍窩大厯十一年黃龍養子於此山今

縣南三里其窩中半崖之上有枯龍形其小龍窩在大龍

窩南二百步大甯志翠微山在縣南二里高數百仞互一

深廣皆丈有奇洞深杳莫測一名龍眠二龍窩水在縣西

南六十六里北從永和縣界南流入縣卻入慈州文城縣

界其水峻急不通舟船禹貢導河積石至於龍門卽此龍

門地也案壺口去縣八十里此所云二龍窩卽黃河入情

上口故亦可謂之龍門也

大甯縣志屈山在縣西南有水玉洞其間水凝至夏猶存所水至

此逆而西流石子山在縣西南四十里山勢嵯峨東連

蒲縣南連吉州西連黃河岸一名小石山後有雙石山

對峙又筆架山亦在縣西南下臨冰玉洞有筆峰寺朱  
建所川發源一自東北隰州曰紫川一自正東蒲縣曰  
蒲川俱於城東三十里什城鎮流合經羅曲汛至縣合  
羊求水經黑城汛入於河義亭川發源姑射之金剛嶺  
轉流而北經茨落汛直入縣境合所川而西又名羊求  
川案義亭河源出鄉南之高天山北流入吉州境名縣  
底河又北經縣之義亭村名義亭河附蒲川水以入  
黃河非  
羊求水

其在吉州者放馬嶺之西以羊求川分南北今清水河也川  
之北曰風山界連大甯迤南曰庖山曰高祖山曰管頭山並  
風山之支也曰吉山州城所倚也其東峙於義亭水側者曰  
明珠山西環於文城故縣者曰石鼓山石門山川之南曰高  
天山曰雲臺山並界鄉甯連峰而西曰錦屏山曰壽山北直

循羊求水以達於河卽壺口之下游也採桑津在其南

水經注河水又南羊求水入焉水東出羊求川冀州記去吉鄉縣五

十三里經北屈縣故城南卽夷吾所奔邑也王莽之朕北也

汲郡古文曰翟章救鄭次於南屈應劭曰有南故加北國

語曰二五言於獻公曰蒲與二屈君之疆也其水西流注

於河河水又南爲採桑津春秋僖公八年晉里克敗狄於

採桑是也杜注平陽北屈縣西南有採桑津史記晉世家晉伐翟以重耳故亦擊晉於晉桑服虔曰翟

地索隱曰裴氏云左傳作桑今平陽曲南七十里有河平

有採桑津是晉境也然杜據晉地理言之索隱陽北屈縣西南也然杜據晉地理言之索隱則當據唐制云慈州西南七十里方合也

隋志文城有石門山案故縣在州西北六十里

唐志文城有孟門山石鼓山

舊通志清水河繞州城西流五十里入於黃河案卽羊求水

吉山在州舊城半枕山麓相傳古不被兵錦屏山在州  
南半里一名掛甲山有晉文公祠庖山在州北三十里  
北上又三十里至巔有伏羲廟一名人祖山高祖山在  
州西三十里峰巒奇拔有漢高祖廟管頭山在州西北  
三十里接高祖山茂林數十里風山在州北九十里大  
甯孔山迤南界有穴如輪又名明孔山五朝志吉昌有  
風山案孔山在听川北與山隔別據水經注及元和志即庖山也明珠川在州東北  
百里相傳昔有明珠耀川明珠山在州東北九十里雲  
臺山在州東五十里半隸鄉甯縣奇峰千仞一名雲臺  
郊魏五城胡馮宜都等聚衆於此高田山在州東百里  
高出天半一名高天山

其在鄉甯縣境者以崤谷狐谷分南北崤谷卽縣川狐谷今

谷也二谷以南其山周迴汾曲西盡大河姑射之南支  
龍門之東餘也其出狐谷之北與蒲縣連者曰秦王山少西  
曰金剛嶺嶺之陰南川水所源北至蒲入於蒲川其出崞谷  
之北與吉州連者曰高嶺即高天山鄂水出焉其西則羅峪  
水所源之雲臺山也南至縣城合於鄂水其城所倚者曰鄂  
侯壘循水而西曰石佛崖屬州又西至河曰香鑪崖屬縣當  
二谷之間山脊旁分者爲斷山嶺在縣東

水經注河水又南至崞谷傍谷東北窮澗水源所導也

五朝

志曰崞谷有崞山壺口山案崞谷延長二百里東與姑射連  
麓壺口當指姑射言舊通志崞谷龍門近地當指鄂水鄂  
侯壘豈以崞谷傳焉耶案左傳杜注鄂晉邑不詳所在  
括地志故城在崞谷東北崞鄂同聲字晉書崞坂入王  
故事作鄂坂可證也城去晉都之翼二百五十里鄂侯又  
之居似當在此若世本謂唐叔虞始封居鄂則不可據  
汾水南與平水合水出平陽縣西壺口山東經狐谷亭北

春秋時狄侵晉取狐廚者也

杜注平陽臨汾西北有狐谷亭正義曰汾水從平陽南流

折而西入於河臨汾縣在汾水北狐谷疑是狐廚在縣之西北義謂臨汾在汾北乃今太平縣之南汾故城也

非平水所經與鄆注不合然與地望頗協今太平西北三十里有縣都峪西距鄆甯百十里縣都似即狐廚之轉聲

括地志鄆侯故城在慈州昌甯縣東北二里

侯故皇宋皇祐三年遷縣治所築

舊通志高嶺在高天山西金剛嶺在縣東北近秦王嶺

元致和元年令秦王嶺馬頭二關穿塹累石寬井河即

鄆水也在吉州南三十里有石佛崖唐永貞時勒心經

其上在縣西二十五里

鄉甯縣志姑射山屬臨汾迤南諸峰無專名其西豁都

豁界之自秦王山折北而西為金剛嶺

距縣百二十里嶺延二十里為高天山

縣東北四十里山高十里時繞雲氣產花藥下有泉名馬跑泉東麓地溝馬圈

河西劉家溝各有泉會流  
柏山北川達縣名鄂水  
又二十里爲雲臺山縣東北三十里  
山下羅水源達縣  
東門與鄂水合  
直西爲平原村自村折南二十里爲  
縣城之後山亦無名村西三十里半屬吉州半屬縣川  
北之山盡吉州也金剛嶺直南三十里爲斷山嶺嶺之  
東互六十里距縣四十里路遠平陽有舖黃河隘口有香鑪崖在縣  
西百里形似香鑪俯臨黃河

右蒲川以南之山在蒲縣大甯南境及吉州鄉甯  
者

蒲川北山起自石樓川之北源所導也自源而南受紫川水  
以達於幷城故縣通謂之隰川隰州蒲縣在其東永和大甯  
在其西北則石樓也石樓山在石樓縣東南六十里與山連  
麓而南迤東者爲汾西山迤西者皆蒲川山也其在隰州者



日蒲子山迤南曰石馬山曰妙樓山曰神峪山又南曰海架  
山距州城十里黃樵水所經也州之東爲紫川谷卽蒲川東  
源也有下椒慈闕暖水諸山在其北最著者曰五鹿山在其  
南與蒲縣界

水經注蒲川水出石樓山南經蒲城卽重耳所奔之處也

寰宇記蒲邑故城在恩川縣東北四十五里又南歷蒲子縣故城西寰宇記故城在恩川縣東北今大魏之汾州治徐廣晉紀稱劉淵自離石南移

蒲子者也其水南出得黃樵水口水東出蒲子城南東北  
入谷極溪便水之源也蒲水又南合紫川水水東北出紫  
川谷西南合江水江水出江谷西北入紫川水紫川水又  
西北入蒲水

寰宇記黃樵水出隰川縣黃樵谷紫川水源出縣東

檀相近案黃檀水今古城河也自穆家河至州北門外入蒲水縣注謂水口在蒲子城南時汾州正治古城也紫川水今義泉河也出汾西縣西之聖水山西南流經州之義泉鎮又西合趙城縣雲山之水又西入於黑川舊通志謂紫川源出州北諸山南流川側巖石胥紫故名殊附會且所言乃蒲水也與水經注顯相乖謬石馬山在縣東北五十里山下有石馬因以爲名金史地理志隰州有石馬山石樓山

方輿紀要蒲子山在州東北五十里相傳堯師伊蒲子隱處漢以此山名縣又妙樓山在州北七十里山有石巖高廣內有石室前有龍池泉冬夏不竭五鹿山在州東七十里志云山有五鹿大夫廟

隰州志神峪山在州北五十里有千佛洞海架山在州北十五里下椒山東北六十里慈閣山東北五十五里暖水窰山州東六十里白衣山東三十五里白衣山在義泉河南

其在蒲縣者五禿山卽五鹿山也其南麓爲恩多原縣城所倚也城之東曰洛陽川其北曰黑兒嶺有蒲谷川世亦稱爲蒲子山其水並南與蒲川會曰孤石山在縣北曰石門山曰石峽曰明山皆在其東又東北爲公峪山入汾西界

元和志五禿山在蒲縣東北五十里山少草木故名五禿

周迴七十七里

蒲縣志五鹿山在縣北五十里案鹿禿同聲字蓋一山也

寰宇記長命谷在蒲縣東北一里其谷長十里無水在恩

多原俗呼爲長命谷蒲谷川在縣東北五十里從黑兒嶺

下合汾水流入洛陽川

縣志蒲子山在縣東北五十里蒲谷川流至洛陽村與東大河合而

西入於第一河案蒲子山在隰州志因蒲谷而沿其名實則五禿之枝峰也寰宇記云汾水卽縣志東大河出分水嶺者亦卽第一河之源也分水嶺本姑射山脊黑兒嶺在而北與汾西山連疑是汾西水而脫寫西字耳

縣東北五十五里從五鹿山下至此長五十里昔有劉黑

兒居此孤山在縣北三十里黑兒嶺下其山不廣因號孤

山

案金志蒲縣有孤石山及橫木嶺

蒲縣志明山在縣東五十里明末總兵曹文詔敗流賊點鐙子處石峽在縣東五十里峽中有洞高二百尺深廣各三丈俗名石窰石門山一名神門山在縣東北五十里公峪山在縣東北七十里又龍母洞在縣北四十里居羣山中產五色花乳石白衣洞在縣東五十里產乳石

石蒲川以北之山在隰州及蒲縣北境者

隰川之別源接永和縣境者爲蓬門水南與川合其北有信北山迤南有城谷卽仙芝谷也縣城在谷口之西其谷水西南入河曰索陁谷曰榆林川皆南注於谷水曰大寨嶺西通

河岸之永和關有馬脊山烈鳳山並在縣西仙芝谷之南爲  
雙山又南爲樓山隋故縣也有北樓南樓烏龍臥牛龍巖諸  
山東與捕狐嶺連入大甯縣界

水經注域谷水東啟荒原西歷長溪西南入於河

寰宇記貞觀十一年永和縣移理仙芝谷西索臨谷水在

縣西北去縣三十里西注仙芝谷永和關在縣西南九十

五里縣志西七十雙山在縣東二十里二山各高千餘尺

峰巖秀異因名雙山石樓山在縣西南二十里案記又云

在縣南十五里武德二年置縣東有樓山故名五朝志樓

山縣有北石樓山永和縣志北樓山在縣東南三十五里

南樓山縣南六十里此但云石樓山謂在西南小誤

隰州志蓬門河自石樓縣界流入至州之車家坡入紫

川雷云入

隰川

永和縣志 信北山在縣東北三十五里榆林川縣西北三十里大寨嶺縣西三十里馬脊山縣西四十里烈鳳山縣西十五里烏龍山縣西南四十五里相傳北齊時有黑龍見於此因立廟焉土人名閭山又臥牛山在縣南四十里香巖縣西北七十里嶺有清泉龍巖山縣南七十里上有石洞

大甯北境之山自捕狐嶺而南迤西爲孔山迤東爲退過谷縣城所倚曰浮圖結古寨也蒲川合諸水自城南環流而西水經注河水又南合孔溪口水出孔山北歷候西流注於河孔山之上有一穴如車輪三所東西相當相去各二丈許南北直通故謂之孔山也

寰宇記退過谷在大甯縣東北二十五里耆老云其谷內

草牛馬食之常瘦因名退谷有水流入斤川

大甯縣志捕狐山在縣北三十里孔山之東派邑治之  
祖龍也孔山在縣西北四十里古寨卽浮圖結也北齊  
築

其在石樓縣者與石樓山連岡而迤西曰土軍山漢故縣所  
名也後魏改曰嶺西蓋以在狐岐之西也其南有牧馬川龍  
泉出焉北流徑縣城又北與水會西入於河曰翠金山  
在城南其西曰老子巖又西曰石鼓山南有暖泉坡其水東  
北至縣城入龍泉又西曰小蒜谷曰百井谷又西曰飛龍山  
曰九重山皆團圓山之支麓也自石樓山迤西以達於河巖  
嶺峻疊其南出之水皆歸蒲川北出之水皆歸龍泉龍泉世  
誤以吉州之北屈當之謂之屈產泉

水經河水又南過土軍縣西注吐京郡治故城卽土軍縣之故城也胡漢譯言音爲訛變矣其城圓長而不方漢高帝十一年以封武侯宜義爲侯國縣有龍泉出城東南道左山下牧馬川土多產名駒駿同淇池天馬其水西北流至城東南土軍水出道左高山西南注之龍泉水又北屈徑其城東西北入於河河水又南合契水傍溪東入窮谷其源也又南至祿谷水口水源東窮此溪也

寰宇記團圓山在石樓縣西北三十里東西一百八里其山高而團圓小蒜谷在縣西北三十里出團圓山上有聖

女泉北流六十里入黃河案當是水經注之契水百井谷案當是祿谷

河在縣西一百一十里而團圓山東西一百八里則今石樓縣正在山之東麓故記又云團圓城在縣內兼有吐京城卽水經注所謂漢土軍縣其城圓長而不方者汾州府志乃云太平寰宇記土軍縣故城在團圓山下今無復遺蹟



蓋隱約其文而自屈產泉在縣東南四里相傳昔有白母  
爲之說者誤矣馬飲此泉生得龍駒春秋傳晉獻公以屈產之乘假道於  
虞以伐虢蓋此地生良馬也

汾州府志翠金山北距縣治三里嵒聳林密一名臺駘  
山上有臺駘廟老子岩東距縣治二十里岩上清泉滴  
漚冬成冰柱高四丈有奇石鼓山東距縣治三十里有  
平石二一似琵琶一類鼓形暖泉坡東北距縣治四十  
里溫泉川出焉東北入龍泉水飛龍山東南距縣治五  
十里山崖峻疊九重山東距縣治七十里山下有泉俗  
呼馬剖泉宋呼延瓚故里在焉有巖曰金甲巖俗傳呼  
延瓚於此得甲故名又云水經注言牧馬川土產名駒  
後人遂傳合春秋屈產之乘及夷吾奔屈故有屈產吳

之目又於泉崖上建公子夷吾廟考北屈在今吉州不在此

右蒲川以北之山在永和及大甯石樓境者

汾西山亦曰靑山北起勝水之陽與狐岐連西障蒲川東循雀鼠谷而南至羅雲山與姑射分界跨孝義縣石汾西趙城及隰州境盤互於汾側者二百里在霍嶽之西故亦通稱爲西山

水經注文水東南流與勝水合水西出狐岐之山東徑六壁城南魏朝舊置六壁於其下爲大鎮勝水又東合陽泉水水出西山陽溪東逕六壁城又東南流注於勝水勝水又東徑中陽故城南

寰宇記西山在汾西縣西六十里南入趙城西北至溫泉

總一百六十里舊名青山天寶中改爲汾西山亦姑射之連延也雀鼠谷冀州圖云在孝義縣南二十里長一百一十里南至臨汾郡霍邑縣界汾水出於谷內南流入河卽周書調鑒谷

汾州府志西山之正脊南行盤踞於汾陽孝義甯鄉三縣境者曰群頤嶺與群頤嶺連岡而在南曰狐岐山晁以道釋禹貢治梁及岐謂冀州之岐山卽此山也東踞孝義縣治百里其南麓有原曰盤重原原東谿澗俗呼孝河北川者也東入勝水由盤重原左轉其旁起者曰白雀山與白雀連岡而在南曰高唐山其南麓溪澗俗呼孝河南川者也與高唐連岡而南迤東曰玉泉山山之東北麓勝水出焉東北入文水俗呼左水者也自群

頡至玉泉竇一山之高下盤屈古通謂之狐岐山故山海經稱狐岐之山勝水出焉而東北流注於汾水若今之所謂北川乃東南而非東北亦惟左水經六壁南若南北二川則合而徑六壁之北水經注可證也然山海經注汾水而水經注言注文水則因汾水東西轉徒驗之近事數年以前原公水以下諸澗皆自達汾川不與水經注協今則皆入文水一如道元所見矣

謹案西山爲太原至平陽汾水以西諸山之通稱而惟靈石之雀鼠谷至趙城之羅雲山爲汾水經行故得專名汾西寰宇記謂其山南及趙城西北至溫泉總一百六十里考溫泉故縣在隰州北一百九十里孝義縣西南九十里距趙城約三百里而近記所言

里數乃由趙城至靈石者亦或誤二百爲一百耳狐岐山舊通志謂卽僻頡嶺勝水卽孝河北川陽泉水其南川孝義志同惟謂狐岐山全在縣境與僻頡嶺爲二山府志則謂嶺及二川以南之山皆古狐岐而別指溫泉東南之左水爲勝水以求合於水經注今案唐志狐岐以北皆石州地狐岐以南皆隰州地溫泉縣西北四十里有後魏之嶺東縣與石樓之舊嶺西縣遙遙相對正以狐岐而分東西不得謂與僻頡嶺爲二山蓋狐岐以上山脊皆南北正行至是岐分由嶺而西其山右轉而迤北界以甯鄉土軍二水爲石樓之西山由嶺而東其山左行而迤南界以孝河南北二川爲孝義之南山石樓萬山崎嶇孝義則後

魏之中陽故城也六壁在其西八里其地四面平坦  
孝河二川皆出溫泉以北東流合徑城南其爲勝水  
無疑府志乃泥於六壁故道別求一澗斤斤求合而  
陽泉水在溫泉東北十里見於元和志確無可易遂  
略而不言不知道元所言二水皆出西山若玉泉山  
之左水乃山之迤東與雀鼠谷連麓者以地勢論之  
皆爲孝義之南山且勝水入汾入文逕徙不常如志  
所云則昔之徑六壁城南今獨不可改徑城北乎是  
亦好爲異論矣茲據寰宇記舉古溫泉以西今孝義  
以南之山悉屬之汾西山以狐岐北屬群顏嶺記自  
盤重原之南黃雲山始

其在石樓孝義界者爲黃雲山北有盤重原勝水出焉東流

經孝義爲孝河北川原之南迤右曰牛心岡與石樓山連迤  
左曰上殿山卽遠望山也爲青山之首循山而南支麓歧分  
縣互於隰川之東北界

寰宇記遠望山一名可寒堆在隰州溫泉縣西七十里高  
五里周迴七十五里

汾州府志黃雲山西距石樓縣七十里

與孝義以崖壁  
山脊分界

峭舉風氣寒冽與山相連而在南曰牛心岡西距縣六  
十里其南曰石樓山盤重原之西循岡阜迤邐而南地  
名弓家灣山之正脊也左有澗東南由隰州至靈石縣  
入汾右有澗自遠望山東南麓而來西爲南鄉水導源  
山之谿澗

西北八十里  
至南鄉縣

峰巒峻拔山有可汗廟

隰州之東山北起野高泉迤而南爲黑龍溝曰屈穀山在州

北與孝義分山曰回龍峪在州東北與靈石分山曰紫荊山  
在州東與汾西分山土人皆隨地命名其最著者曰烏門關  
南距州七十里爲東出之隘

寰宇記屈穀山在縣南高嶺煎鍊鍊礬之處方輿紀要王  
藏城俗爲爲神農背穀處云案穀城在州東  
四十里此在州北桑子村俗稱爲穀壑也

汾州府志弓家灣之南山縣衍二十餘里南有谿自  
隔州北境野高泉導源東流四十里復入隔州界又南  
有谿自黑龍溝導源東流十餘里亦經隔州合野高泉  
之水歸汾案此卽隔州之大麥郊水

舊通志隔州東北之山桃花山北七十里連甯鄉界石  
花山北百七十里永遠山東北百五十里西莊山東北  
百六十里董家場山東北百七十里百花山北百三十



里並連孝義界鵬石巖山東北百四十里靈巖山東北  
百六十里馬港山東北百六十里盤龍山東北百六十  
五里火臺山東北百七十里並連靈石界南陽山東北  
百二十里龍尾山東北百三十里玉堂山東北百五十  
里並連汾西界案舊志於諸山並云盤踞若干里遞高  
若干里皆不可據擇其著明分界者書  
之

隰州志風子山在神龍店

州北八十里

五龍關寶山在交口

河州北

貨郎山在化炭裏

州北八十里

野峰山在王家溝

七十里

黃崖山在黃崖村

州北八十里

聖天山有興教寺在土

同里

連州百一十里

樺樹山

州北八十里

孔家山東北百二十里俱在龐

莊里許家嶺

東北百三十里

大樹嶺

東北八十里

寺鄧山北百俱在

韓村里金華山

東北百四十里

在中村里中華山

東北百五十里相傳劉武

周屯兵 秦底山北百七十里 嶺岩山北百五里 娛兒山東北百三十里

於此 俱在興儒里石鰲山北百四十里 抱兒峪山北百三十里 玉泉山

北百四十里 俱在范深里王家山北百五十里 石窰山北百三十里 俱

在和古里案州志諸山並見舊通志詳著 又舊志紫荆

山州東七十里山極高峻嶺可望五百里上有河國侯

廟下有普照寺通志建興水窰山 黑龍溝山州北九十里回龍

峪其水自興儒里水頭發源入汾石口則州北七十里

由東北行六十里為橫水橋又十里至石口東北道石

峽達大麥郊以達靈石東道石峽達康城以達汾西一

名烏門開元致和元年九月烏門關穿堊壘石方輿紀

城在州北百里史記趙成侯十一年秦攻魏趙

救之攻石阿正義曰石阿在石鰲二州間是也

孝義之南山與遠望山連岡而東出者曰白雀山又東曰烏

雞山其南有高唐山唐溫泉及高唐廢縣在其陰陽泉水出焉西流爲縣之南川川之陽有柏山其陰曰玉泉山迤邐以達於汾側爲雀鼠谷之北口

寰宇記西陽泉源出溫泉縣東北去縣十里溫泉在縣麻東北五十步有池方圓一十二步其水冬溫夏冷因曰溫泉今有五龍神祠高唐故縣城在縣東北一十五里唐武德三年於王莊堡置案溫泉故縣地屬孝義高唐地屬隰州

汾州府志白雀山東距孝義縣七十餘里山有池土人呼黑龍池其東曰烏雞山距縣六十餘里斜坡東下行三十餘里而盡亦有所謂黑龍池者高唐山東北距縣七十餘里其南麓谿澗俗呼孝河南川者也玉泉山高三里東北距縣六十餘里由玉泉歧分東迤北曰柏山

東距縣治五十餘里峰巒峭拔一名金斗山白玉泉池  
南則爲靈石縣北山東盡於汾之西岸

由雀鼠谷循汾西岸歷靈石霍州以達於趙城與霍嶽對峙  
者皆青山之支麓也其正峰在汾西縣西六十里故有汾西  
山之稱臨谷口曰望川原南有澗自孝義來注於汾又南曰  
新水峪曰石門峪西有澗自隰州來注於汾又南曰蛤蟆嶺  
古賈胡堡也東通陰地關並在靈石西境又南岡阜相屬以  
達於轟轟澗澗之南爲金鞍嶺爲呂坂在霍州西南十里迤  
北爲石佛崖在汾西縣東三十里其西卽青山也曰風吹嶺  
在其北曰聖水山在其西曰商山在其東南則與羅雲山連  
東距趙城四十里有峽水西北流與聖水會至隰州名義泉  
河是爲蒲川東源入姑射山界

元和志呂坂在霍邑縣西南十里有呂鄉晉大夫呂甥之邑也呂州取名於此

寰宇記靈石縣以縣西獲瑞石爲名有雀鼠谷汾水關皆汾西險固之所賈胡堡在縣南三十五里義甯元年義師次於霍邑隋將宋老生拒不得進屯軍賈胡堡

方輿紀要靈石縣西南三十里有宋老生寨高四里與秦王嶺相對蓋老生所築以拒唐兵之處其地亦名魯般苑山谿峻險駕木爲梁

靈石縣志望川原在縣北七十里文殊原在汾河西上有聖松枝葉橫長列鳳山在縣西十五里形如飛鳳石門峪河在縣西四十里會舒江峪諸水至夏門鎮入汾

平陽府志有新水峪河在縣西南六十里出縣州印馬峪至秦王嶺南入汾蛤蟆嶺在縣西

南五十里俗呼蚰子嶺方輿紀要謂卽賈胡堡而誤以爲在霍州東南

霍州志金鞍嶺在州西十里轟轟洞出汾西縣西十三

里流徑城西南入汾

汾西縣志青山卽城西姑射山高峻爲縣巨鎮石佛崖

在縣北三十里聖水山在縣西五十里泉水混混不竭

商山在縣東南六十里縣西至隰州風吹嶺界七十里

續志斗山在縣東北山形如斗只有入路茅山在縣南

八十里磊石村西坡當山在縣南九十里皆姑射之支

趙城縣志羅雲山在縣西四十里北接汾西南連洪洞

西抵蒲縣李志云卽姑射山七佛峽卽羅雲石峽也志云

第一河源所出案第一河出分水嶺茲乃水經注之江谷也水北流與紫川水合紫川谷當卽聖水山隰州志平陽府志胥誤

右汾西山在霍岳以西孝義靈石霍州汾西趙城

及隰州境者

姑射山一名平山平水出焉在平陽西或亦稱爲壺口也有姑射神祠並在其東龍山勢盤曲環以汾流北連羅雲在汾西迤西與蒲縣之蒲川峪界南連華谷延及龍門在汾北迤北與鄉寧之峪谷界跨洪洞臨汾襄陵太平之西境絳州稷山之北境其餘支衍爲高原積爲大阜別峙於汾曲之中者曰汾陽山曰九原山

水經注汾水南與平水合水出平陽縣西壺口山尙書所謂壺口治梁及岐者也其水東經狐谷亭北春秋時狄侵晉取狐廚者也又東經平陽城南東入汾俗以爲晉水非也

元和志平山亦名壺口山今名姑射山在臨汾縣西八里

姑射神祠在縣北十三里姑射山東武德元年勅置龍子祠在姑射山東平水之源其地茂林蓊鬱俯枕清流實晉之勝境也

寰宇記山出美石山海經曰憲山之南三百里有姑射山冀州圖云西入文城郡以山爲界莊子藐姑射之山有神人居焉肌膚若冰雪綽約若處子不食五穀吸風飲露乘雲氣御飛龍而遊乎四海之外堯見之眴然喪其天下卽此地也

平陽府志山迤南姑射洞一名仙居洞宋政和八年敕立又有蓮花洞

謹案北山經孟門之山東南三百二十里曰平山平水出於上潛於其下經多荒渺而此則地望里數無



一不符若所云姑射之山見於東山經有南姑射北姑射又見於海內東經有別姑射及姑射國郭注引莊子語證之莊本寓言故以屬之海洲也以平山爲姑射始於隋志元和志因之則後人因堯都平陽附合於此至今遂爲習稱禹貢壺口卽孟門山鄆道元以平山當之因謬地形志平陽有晉水有龍子祠隋圖經亦云平水卽晉水道元獨主詩譜以叔虞故封在晉陽特辨爲非實則晉世家所云唐在河汾之東方百里終以平陽爲近是而近世地理家如顧亭林戴東原皆謂翼城故唐城爲叔虞世封謂晉水卽翼之晉峽證以左傳史記地志諸書尤爲可據則鄆注固未該而圖經殘文亦難盡信也

平水之北曰九孔山曰礬石山在臨汾縣境曰英山曰婁山在洪洞縣境介其西者爲蒲縣之分水嶺北有杏子嶺皆蒲川之南源也東出爲黑龍關平水之南曰三嵎山曰盤龍山曰九龍山在襄陵縣境日照望峰曰清涼洞曰安兒坡在太平縣境介其西者爲鄉脩之秦王山有紅花嶺蟒當山鶴坡山皆狐谷之東山及南山也東出爲三官峪

寰宇記石孔山有九孔相通深不能窮

臨汾縣志縣西三十五里姑射山前

平陽府志姑射山臨汾縣西三十五里襄陵縣西十二里太平縣西十五里礬石山在臨汾西北五十里分水嶺在縣西北如射山西乃蒲縣界英山在洪洞縣西二十五里西望婁山南連礬石上有娥皇女英祠婁山在縣西三十里北接趙城羅雲山最爲孤秀上有婁山神

祠元庚辰元帥左監軍攻洪洞西山斬首六百餘級又  
攻松平山破之賊墮崖死以萬計卽婁山分水嶺間也  
三嶺山在襄陵縣西南三十里後有盤龍山傍有摩雲  
頂南連九龍山山脊九曲南連太平侯村峪口西連鄉南鋪頭峪口北連龍岡峪  
在縣西南二十里上有大壩中有一峰聳立雲裏其形三磴緣級而  
升名山志山袤九十餘里又華池峪在縣西十五里照內有石洞滴水如珠輒雨照  
望峰在太平縣西北二十五里姑射之巖北曰神仙洞  
南曰勝水泉清涼洞縣西二十里姑射山半上下胥石  
乘炬行一里不克窮一名清涼洞安兒坡在膏腴村西  
北十里土人傳爲杵臼藏趙孤地

蒲縣志喬家灣水發源東南四十里杏子嶺西流入第

一河

鄉甯縣志紅花嶺縣東八十五里

嶺南二十里有龍亭寺九里有泰山廟俗

傳有神車道在大坪里

蟒當山東一百四十里鋪頭鎮南上有黃

龍洞鶴坡東一百十里山甚高陟其巔百里內山河都

邑無不見有圓通菴覺迷洞三官峪東南四十里峪長

六十里南通太平北通吉州內有鹿兒崖

鹿崖西北有鐵牛灣其鐵

在峪道旁為沙石所覆四散外露徑數十圍愈下愈豐

冶工嘗掘之至丈為石所梗求有窮其本者鐵色精瑩土人稱為神物

峪谷延長百餘里以達於河谷南之山在鄉甯者西接龍門

其東連絳稷者皆姑射之支也以峪道為界三官峪之西為

馬壁峪古白馬谷也有馬首山在絳州北又西為黃華峪古

華谷也有定境山在稷山縣北入峪口皆鄉甯境也其山自

斷山嶺分脈而下懸汾山鄂山而止於縣東者曰柏山晉荀

息墓在焉迤而東曰小熊山曰翁雞山曰古碑嶺皆通三官  
峪迤而南曰岱山曰尖山曰松山曰雲邱山皆通馬壁峪曰  
清水崖曰玉天洞嶺頭洞皆通黃華峪其隔鄂水者通稱爲  
南山有金牛阜白雲洞與縣城直

魏書地形志五城郡平昌有白馬谷

水經注汾水又西與華水合水出北山華谷

元和志馬頭山在呂香縣南六十里其山峭巖形如馬首

因以爲名

在今縣南一百里馬壁峪東後魏平昌唐

馬之駿異蓋縣因以爲名說珠附會案山之北五十餘里有祁仁坂當峪盡處上爲平原祁仁當是驥城之龍溪縣

盜在坂上也

寰宇記定境山在絳州西北五十里唐長安年中部人與

慈州人爭界因以青山爲界天寶六年勅改爲定境山

案金

志絳州有定境山州志不詳所在以地望里數考之當是稷山縣之聖王山在馬壁峪西者

方輿紀要尖山在鄉甯縣東南二十里以山勢聳拔而名圖經縣東十五里有柏山以山多柏也元和志荷息墓在昌甯縣東一十六里

舊通志姑射山在絳州西北四十里稷山縣北二十里絳州志馬首山土人名馬頭山在州西北四十里東由太平界入絳西至稷山界出絳凡三十五里由臨汾襄陵太平迤邐入州境一峰突出山上山後胥鄉甯地面東南與姑射隔一峪

稷山縣志聖王山在縣北三十里西連紫金山又西連姑射山西至河津縣界止東西袤四十里北接鄉甯界山有五峰中峰尤高有馬壁晉家黃華三峪黃華峪有

東澗西澗水經注汾水西與華谷水合水出北山華谷

西南流入汾

鄉甯縣志縣川東西長百四十里古名紅黃峪馬壁峪

縣東南四十里峪長六十里南通絳州稷山有劍泉有

觀音堂

劍泉有東西二源歲一涸一盈實讓泉也觀音堂在陡壁下摩崖刻觀音經唐顯慶五年也縣

志云明隆慶二年誤

黃華峪縣南四十里峪長六十里通稷山

斷山嶺峰巖而南五里復折西二十里為分山二十里

翁雞山三十里尖山分山南三官峪翁雞山南馬壁峪

尖山東南莊頭汾山縣東五十里鄂山縣東三十里燕

峪正南黃華峪莊嶺又名小熊山縣東南四十里羣峰相錯山腹龍泉

寺有泉甘冽翁雞山亦四十里有石雞能制蝎周圍近

山皆無蝎古碑嶺東南四十五里有古碑字磨滅岱山

縣東十里上建東嶽廟有泉夏冽冬溫松山東南四十

里上有寺雲邱山東南百里有廟祀元武名五龍宮在  
馬壁峪口上有玉蓮洞實崖也山頂爲三天門懸崖遠  
出數十丈石髓滴成倒垂蓮萼稍下數丈又如前狀較  
大再下一小廟至最下則石皆玲瓏如繩索相環結者  
相傳中建廟處有紅石一枚孔中泉水涓滴足供一飲  
雲邱道士遺徒守之其徒意此石必水寶也破之其水  
一瀉遂絕上有摩崖碑漫漶不可識下元碑尙存案此  
蹟洞南有石穴深數十武隆冬氣溫如蒸入夏則泉  
水涓滴積冰厚寸非重裘不敢至也俗名爲水窖  
水岩縣南百甲在黃華峪東石山壁立百仞稍下爲東  
天門中建法寶寺碑云唐建北山壁胥赤壁半懸橋入  
石龕正中滴水不盈不涸東西山皆連北山而中斷若  
門名東天門西天門寺後有石殿佛像皆石寺南五里



有泉名蓮池又名龍井

縣西門之北後漢書亦有漸玉水岩泉極甘冽距城里許

天洞縣南八十里石龕若覆釜澗九步深十步中石連如牆門二內祀三清門外有穴可伏行達像後復一小穴風湧燭不然莫能窮也嶺頭洞縣南五十里明郎中王與齡母李宜人嘗棲此南山抱城如偃月金牛半隨山勢前卻高下皆有寺廟爲縣治之外屏白雲洞在山之昭遠寺殿基下

謹案平山南支自潞都峪右轉延袤二百里以達於河世因有莊子藐姑射之稱遂並河津之北山亦襲其名然由華谷至龍門約七十里峻嶺參天幽谷阻地絕無支麓可析與馬首定境二山各環以大河者形勢迥別則姑射龍門之分界斷以華谷爲限觀鄭

善長於北山之水惟舉華谷而周齊爭衡汾北亦惟  
華谷與龍門並爲扼要以古證今尤燎然不可移易  
也

右姑射山在洪洞臨汾襄陵太平鄉甯稷山絳州  
境者

龍門山在河津縣西三十五里孟門之下口禹貢所謂導河  
積石至於龍門也山有禹廟俗名禹門口西與韓城之梁山  
夾岸相對或亦通謂之呂梁矣山脊東連華谷曰紫金山曰  
黃顏山與稷山界北抵暢谷曰林山曰崑崙山曰兩乳谷曰  
全城嶺並鄉甯界循河而上爲倚梯崖稱絕險凡百六十里  
而抵吉州之壺口

漢書地理志夏陽縣禹貢龍門山在北

禹貢雖指漢志云壺口在北屈龍門

在夏陽則兩山夾河而峙東為壺口西為龍門矣自後魏  
太平真君七年改漢河東皮氏縣曰龍門而龍門之名遂  
被於東岸故顏師古注司馬遷傳曰龍門山其西在今同  
州韓城縣西北其東在今蒲州龍門縣北也龍門縣宋改曰  
河津縣縣西北二十五里有龍門山蓋即壺口之南支古  
時東岸無龍門之名也兩山對峙體分而勢合東必得西  
而始成爲口西亦必得東而始成爲門舉此可以見龍門  
口之治即龍門之治故冀州與導山言壺口而不言龍門  
至於龍門即至壺口其文互借云

水經河水又南出龍門口汾水從東來注之注昔大禹導

河積石疏決梁山謂斯處也即經所謂龍門矣魏土地記

曰梁山北有龍門山大禹所鑿通孟津河口廣八十步巖

際鎬迹遺功尙存岸上並有廟祠前石碑三所二碑文

字素滅不可復識一碑是太和中立竹書紀年晉昭公元

年河赤於龍門三里梁惠成王四年河水赤於龍門三日

河水又南經梁山原東原白山東南出至河晉之望也在

馮翊夏陽縣之西北障於河上山崩壅河三日不流晉侯以問伯宗卽是處也

元和志兩乳山在昌甯縣西南七十里山有兩岫望如乳

形因以爲名倚梯故城在縣西南一百五十里十字累石

爲之東北兩面據嶺臨谷西南兩面俯眺黃河懸崖絕壁

百餘尺其西南角卽龍門之上口也以城在高嶺非倚梯

不得上因以爲名今俗名梯子崖

太平御覽辛氏三秦記曰河津一名龍門巨靈迹猶在江

海大魚俱集門下數千不得上上則爲龍故云曝鰓龍門

尸子曰古者龍門未鑿呂梁未闢河出於孟門上慎子曰

河之下龍門其流駛如竹箭駟馬追弗能及禹貢維指呂梁卽禹貢之

梁山梁山之崩能壅河則俯瞰河流可知信爲禹鑿之餘水繞注河水又南得鯉魚懸澗東入窮後首便其源也爾

雅曰鯨鮪也出羣穴三月則上黃龍門得渡則為龍否則點額而還案鄭氏此注次孟門下以孟門即龍門之上口也然今吉州無澗水可資其地或即河津之西澗存以俟考

寰宇記大禹祠在龍門縣西二十五里魏土地記梁山北有龍門山上有禹廟隋末推毀唐貞觀九年奉勅更令修理唐高祖廟在禹廟南絕頂上畫作行幸儀衛之像蓋義甯初義旗至此也

舊通志紫金山在縣北三十里盤踞四十餘里東連雙峰黃頰姑射諸山至稷山界西連韓城梁山界北連鄉甯諸山實梁山東表境也有五峰巖高八里有雲中寺古塔可望數十里外有八十盤砌石為道折旋八十曲麓有雲峰瓜峪水出此峪在紫金山中兩山對峙峪口西為窟兒崖緣徑陟崖十里泉出石壁似積米漉篩形北有石龍巖平廣二丈泉湧出如注又北有瀑布直瀉百尋又深入兩山如窟亭午不

凡日月有雙扇門油鍋泉諸  
勝峪分三灣其形如瓜字  
里峪上水母廟下有石泉  
味特甘肅左又有蓮花池  
餘雨峰竊立五眼泉自北  
東下復有潭流為石渠行  
峰也有佛洞西南為壘中  
子登雲中之城望龍門之  
為芹溪一名石峪元稹雙  
山二段先牛讀書於此  
然開頭為馬鞍山縣北三  
西砲口馬鞍塢有渠即神  
頭堡高阜  
有羅漢洞

河津縣志黃頰山在縣東北三十五里即文中子東泉  
子隱居之處山半有裏違寨一峰屹峙前為旁通峪入  
峪二百武山迴澗曲峰巒四合東巖下有石城城北石  
壁高四丈中開一罅相距尺許有泉湧出匯為池下流  
即白牛溪也上有永興禪寺為文中子授經地由峪口

折而東有石樓有文中子洞洞北由佛殿陟石梯而上  
又架木爲梁其西有王績洞峪外土壤廣衍或曰卽東  
泉也舊通志東泉子賦云獨居南清時遊北山西窮馬  
谷北達牛溪馬谷卽遠馬峪也南清去峪口五里  
有奇又云北山五峪西爲雙峰之遠馬峪中爲紫金之  
瓜峪東爲馬鞍之神峪又東姑射之旁通峪又東爲天

稷山縣志紫金山在縣西北三十里有峪洞時有飛雲  
仙掌峰在紫金山紫河津之北山今通名紫金山其五  
峪皆危崖峻坂中通幾路入山不十  
里卽鄉甯境矣舊通志謂瓜峪以東爲姑射世俗強爲  
分別耳茲舉其支峰並增書紫金山下以黃頰之名最  
古特別著之實亦  
稷山志之紫金山

鄉甯縣志林山縣西南三十里上祀元武岢嵐山西南  
七十里上建大帝廟有元時縣尹霍章碑記岢嵐山在  
岢嵐南十里南有雲頭堡三面絕險全城嶺西南四十

里古城基無存

府志以爲長甯廢縣誤

文中子洞二一在旁通峪

縣南九十里卽黃頰山也

一在佛峪東黃華峪西之

陽坡村十里入峪詳河津志  
縣南九十里在陽坡村南三十里洞額名飛雲天山陽生石龕深三丈闊四丈東山石壁千仞壁半石如

手形土人名仙掌壁月西佛峪南石坑溝二十里樓山甯翟村

喬宇龍門山記予少讀禹書至於導河自積石厯龍門

未嘗不渺然想遊其地今幸奉命傳祀於西及將往行

禮於商湯王廟下適河津去龍門三十里且有才來二

君偕遂出河津西門是時陰雲四翳風頭木號而興以

勃發奈路沾雨由石棧進謁神禹王廟獨覽壁間圖畫

東西壁皆次第治水隨刊之蹟每段標以經語怪怪奇

奇於所見圖畫變化雄妙者莫喻於此東有圖其標曰

雪竇飛泉堯郡席天章筆西有圖其標曰煙疑古柏晉



溪素菴筆後屏有圖二其標曰揭石尋珠湧露出波前  
楣有圖其標曰春江晚度雪軒誠意筆想皆宋元名公  
因題名於柱二君設酒於飛丹亭下瞰黃河自西北而  
來驚濤駭波騰驤而下輪風驟雨相挾而作勢益洶湧  
蒼崖青嶂爲之振響二君復舉酒酒半樂甚爰命榜人  
舉晉河濱得三魚乃復烹魚歡然對酌聯句至夜分乃  
寢厥明乃復登看鶴樓以眺遠近河山俯視洪流陡絕  
百仞慄然有垂堂之戒河之西是爲陝西韓城之境其  
山亦自北而來亦號龍門與東岸之山相照而斷三秦  
記云龍門外懸泉而兩旁有山水陸不通魚鼈莫上今  
觀之誠若此復覽迤岸而東卉木繁密得懸石峙若有  
待予乃大篆龍門二字筆二詩已又賦禹門渡一章

群瑣龍門山記出河津縣西郭門西北三十里抵龍門山下東西皆層巒危峰橫出天漢大河自西北山峽中來至是山斷河出兩壁儼立相望神禹疏鑿之勞於此爲大由東西麓穴巖構木杵虛駕水爲棧道盤曲而上瀕河而寬平地可二三畝多石少土中有禹廟宮曰明德制極宏麗進謁亭下悚肅思德者久之庭多有青松奇木根負土石突走連結枝葉疏密交陰皮幹蒼勁偃蹇形狀毅然若壯夫離立相持不相下宮門西南一石峰危出半流步石陞登絕頂頂有臨思閣以風高不可木甃壁石爲之倚閣門俯視大河奔湍三面層激石峰疑若搖振北顧巨峽丹崖翠壁生雲走霧開闔明晦倏忽萬變西則連山宛宛而去東視大山巍然與天浮南

望洪濤漫流石洲沙渚高原缺岸煙村霧樹風帆浪舸  
渺茫出沒太華潼關雍豫諸山彷彿見之蓋天下之奇  
觀也下墜道石峰東穿石崖橫豎施木憑空爲樓樓心  
穴板上置井牀輾轆懸縷可汲憑欄檻涼風飄滿若列  
禦寇騎氣在空中立也復自水樓北道出宮後百餘步  
至石谷下視窈然東距山西臨河谷南北崖相去尋尺  
上橫老槎爲橋踏步以渡谷北二百舉武小祠扁曰后  
土北山斗起下與河際遂窮祠東有石龕廡然若大屋  
懸石參差若人形若鳥翼若獸吻若肝肺若疣贅若懸  
鼎若編磬若璞未鑿若礦未爐其狀莫窮懸泉滴石上  
鏘然有聲龕下石縱橫羅列偃者側者立者若几若屏  
可席可憑可倚氣陰陽雖甚暑不知煩燥但爽神寒肌

不可久處復自槎橋道由明德宮左厯石梯上東南山復有道院地勢與臨思閣相高下亦可以眺望河山之勝遂自石梯下棧道臨流觀渡並東山而歸時宣德元年丙午夏五月二十五日同遊者楊景端也

右龍門山在河津鄉甯境者

汾陽山在太平縣南十里汾水曲徑其南其東小阜俗稱巴山皆高原也下有白波峪

元和志白波壘在太平縣東南十二里後漢末黃巾賊於西河白波谷寇太原於此築壘

太平縣志巴山在縣東二十五里汾水之西高十丈有奇

九原山一曰古堆又名黃阜或以爲九京也在絳州東北二

十有五里古水出焉西南入於汾

水經注汾水又西與古水合水出臨汾縣故城西寰宇記臨汾故

城即漢臨汾縣也在今絳州理東北二十五里黃卑下其大若輪西南流故溝橫

出焉東注於汾今無水又西南徑正平郡北又西徑荀城

東冀州國在州西一十五里古荀國也汲郡古文晉武公滅荀以賜大

夫原氏也古水又西南入於汾

寰宇記九京一名九原晉大夫趙盾葬所禮記謂趙文子

觀處有水名古水出九原西案平遙縣有京陵在縣東七里漢京陵故縣也寰宇記謂

趙文子與叔譽觀於九原即其處而又於此復著之所載

趙盾墓一在太平縣西南十八里一在縣南二十一里雖

皆與山近究為歧出特地在晉都較平遙尚為有微耳

方輿紀要鼓堆泉出九原山其上有堆案堆在山西北麓如覆釜

形履之如鼓聲水分二派東曰清泉西曰灰泉引入州城

今水不入城以注於汾水水經注謂之古水其堆亦曰古堆唐初義師克臨汾進次古堆絳郡守陳叔達不下高祖攻拔之或謂之鼓山

喬宇遊鼓堆泉記自太原西南其泉溉田最多利民久者莫若晉祠之泉自絳州以北其泉溉田最多利民久者莫若龍祠之泉自絳州以北其泉溉田最多利民久者莫若鼓堆之泉其泉發源於九原山之西鼓堆者或曰其北突有二山高圓如鼓則泉以相似而名志曰泉上有堆如覆釜形履之聲如鼓則泉以聲似而名泉有清濁二穴清在北濁在南北穴爲石口尺五許自匯而爲池幅員一丈其深稱是中有小魚喁喁往來沙石間池溢而南折而東流南穴爲土口尺許亦匯池溢而北

折而東合於清流泉之西則隆然高原其南北皆平時  
低野亦資泉而溉幽村明墟垂楊灌木帶接陂塘間其  
東則經連緯通溉田至於絳州亦五十里而南並入於  
汾穴上二山在西者昔人樓其上敞然三楹壁間有唐  
宋石刻樊宗師司馬君實者皆在焉山之南麓有蓮池  
時花未開俯而望焉清芳可掇復覽遠畦近畦碧稻千  
頃不覺興酣因賦詩泉上而歸

右汾北二山在太平絳州境者